



**«Նոր ժամանակի կրթություն» ՀԿ**

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ**

**ԱՎԱՐՏԱԿԱՆ ՀԵՏԱԶՈՏԱԿԱՆ  
ԱՇԽԱՏԱՆՔ**

*Հետազոտության թեման՝ Սովորողների մեջ արժեքային  
համակարգի ձևավորումը առարկայի դասավանդման  
ընթացքում*

*Առարկան՝ Հայոց պատմություն  
Հետազոտող ուսուցիչ՝ Արմենուհի Խաչյան*

*Ուսումնական հաստատություն՝ Արամայիս Երզնկյանի անվան հ.  
118 ավագ դպրոց*

**Երևան 2023**

## ԲՈՎԱՆԴԱԿՈՒԹՅՈՒՆ

|   |    |
|---|----|
| Ներածություն.....   | 3  |
| <b>ԳՐԱԿԱՆ ԱԿՆԱՐԿ</b>  |    |
| <b>Գլուխ 1</b>  |    |
| 1.1 Արժեքային համակարգ հասկացությունը հոգեբանության մեջ և դրանց կապը դաստիարակության ձևերի հետ.....               | 5  |
| 1.2 Անձի արժեհամակարգի ձևավորման աշխարհայացքային նախադրյալները.....   | 8  |
| <b>Գլուխ 2 Սովորողների արժեհամակարգի ձևավորումը հանրակրթական ուսումնական հաստատություններում</b>                  |    |
| 2.1 Դպրոցահասակների արժեհամակարգի ձևավորման ուղղիները և մեթոդները.....  | 10 |
| 2. 2 Արժեհամակարգի ձևավորումը ավագ դպրոցահասակների շրջանում հայոց պատմություն առարկայի դասավանդման ընթացքում..... | 11 |
| Առաջարկություններ.....  | 12 |
| Եզրակացություն.....   | 17 |
| Օգտագործված գրականության ցանկ.....  | 18 |

## Ներածություն



Բարոյական ուժն է գոտեպնդում փոքր ժողովուրդներին ու բանակներին անհավասար կռվում. նա է դեպի հաջողություն ու հաղթանակ առաջնորդում թվապես թույլերին՝ մեծ, մեծամեծ հակառակորդների դեմ:

Գ. Նժդեհ

**Արդիականությունը.** Հասարակության սոցիալ-տնտեսական և քաղաքական կյանքում տեղի փոփոխությունները որոշիչ որոշիչ ազդեցություն են ունենում դպրոցահասակների բարոյական գիտակցության, արժեքային կողմնորոշման, աշխարհայացքի ձևավորման և կյանքի նպատակների ընտրության վրա: Դաստիարակության հիմնական նպատակը՝ բազմակողմանի ու ներդաշնակ անձնաորության ձևավորումը, ով պետք է կարողանա նաև դիմակայել շրջապատի բացասական ազդեցություններին վստահորեն տեր կանգնել իր ազգային արժեքներին, ձեռքբերումներին, անկախությանն: Ուսուցման գործընթացը իրականացնելիս խիստ կարևորվում են սովորողների բարոյահոգևոր նկարագրի, արժեքային համակարգի, ազգային և սոցիալ-մշակութային զարգացման հարցերը և մարդասիրական դաստիարակության պահանջը, որոնք իրականացվում են բարոյահոգևոր դաստիարակության ընթացքում: Յուրաքանչյուր հասարակություն, սոցիալական խումբ, հասարակական խմբավորում ստեղծում է իրեն հատուկ ընդհանուր և յուրահատուկ արժեքային համակարգեր և վարքականոններ, որոնք արտահայտում են նրանցում գերակայող հետաքրքրությունները և նպատակները: Այդ հասարակությանը պատկանող մարդը ընդունում է դրանք որպես իր վարքի չափանիշ:

**Հետազոտության նպատակը՝** բացահայտել ավագ դպրոցականների հոգևոր դաստիարակության առանձնահատկությունները, ստեղծել մանկավարժահոգեբանական պայմաններ, որը կնպաստի սովորողների արժեհամակարգի ձևավորմանը:

**Հետազոտության խնդիրները.**

- Ուսումնասիրել արժեհամակարգի ձևավորման ուղղիները և դրանց կապը դաստիարակության ձևերի միջև:
- Մշակել ուսումնական նախագիծ, որի արդյունքում սովորողների մոտ կձևավորվի ազգային արժեհամակարգ, հաշվի առնելով նրանց տարիքային և հոգեբանական առանձնահատկությունները:

**Հետազոտության մեթոդները.**

- Տեսական գրականության վերլուծություն, փորձարարական մեթոդներ` դիտումներ, հարցումներ, գրույցներ:

**Հետազոտության տեսական նշանակությունը`**

- արժեհամակարգի և գիտակցության հարաբերակացություն, ինքնաճանաչողական, իմացաբանական տեսություններ:
- մանկավարժության տեսության և գործնական մանկավարժության արդի ձեռքբերումները:
- բարոյահոգևոր դաստիարակություն, բարոյագիտություն:

# ԳՐԱԿԱՆ ԱԿՏԱՐԿ

## Գլուխ 1

### 1.1 Արժեքային համակարգ հասկացությունը հոգեբանության մեջ և դրանց կապը դաստիարակության ձևերի հետ

Հոգեբանական գիտության բնագավառում արժեքների մեկնաբանության բազմազանության մեջ առավել տարածում ունի այն մոտեցումը, որում արժեքը դիտարկվում է որպես հասարակության կենսագործունեության որոշակի արդյունք: Այդ մոտեցումը ցայտունորեն արտահայտված է փիլիսոփաների և սոցիոլոգների գիտական աշխատություններում: Հոգեբանական գիտության բնագավառում անձնային արժեքների հասկացման գերակայող մոտեցումներից մեկը այն է, որ արժեքը դիտվում է որպես պահանջմունքներին և շարժառիթներին համարժեք հասկացություն: Մասնավորապես՝ անձնային արժեքները և իմաստը կենտրոնական տեղ են զբաղեցնում հումանիստական հոգեբանության մեջ: Անձի արժեքային համակարգի ձևավորման և շարժընթացի խնդիրը ընդունված է դիտարկել հոգեկան զարգացման ընդհանուր օրինաչափությունների համատեքստում: Այն անմիջականորեն կապված է տարիքային զարգացման առանձնահատկությունների հետ: Վերլուծելով անձի իմաստային ոլորտի ձևավորման և զարգացման խնդիրը՝ Ա.

Սեռին պնդում է, որ այդ գործընթացները արտացոլում են տարիքային և անձնային զարգացման ընդհանուր օրինաչափությունները: Դ. Լեոնտևը նշում է, որ

յուրաքանչյուր անձի զարգացման գործընթաց բնութագրվում է սոցիալական հանրության արժեքների և դրանց փոխակերպումների, այսինքն՝ անձնային արժեքների կերպափոխմամբ

[Леонтев Д. А., Развитие личностных ценностей в общественном контексте, Вестник Московского Университета. Сер. 14. Психология. 1997. №1. сс. 20-27.]: Արժեքային համակարգի ձևավորումն ընթանում է դաստիարակության և կրթության ընթացքում սոցիալական փորձի յուրացման միջոցով: Անձնային արժեքները ձևավորվում են սոցիալականացման ամբողջ ընթացքում

[Журавлева Н. А., Психология социальных изменений: ценностный подход. - М.: -зд-во «Институт психологии РАН», 2013. - 524 с.] :

Գ. Մ. Անդրեևան, որպես արժեքների անհատական համակարգի ձևավորման միջավայրային գործոններ, առանձնացնում է ընտանիքը, դպրոցը, աշխատանքային կոլեկտիվը, որոնք «սոցիալական փորձի միջնորդ» են, որոնցում անձը

Ըստ դաստիարակության բովանդակության առանձնացնում են դաստիարակության հետևյալ տեսակները.

- մտավոր
- աշխատանքային
- ֆիզիկական
- բարոյական
- հոգեբանաբարոյական
- գեղագիտական
- իրավական
- հայրենասիրական
- սեռային և սեռական
- տնտեսագիտական
- բնապահպանական (էկոլոգիական)
- և այլն

Սովորողի արժեհամակարգի ձևավորման ուղղիներից մեկը *գեղագիտական դաստիարակության* իրականացնում է: Գեղեցիկի և բարու փոխհարաբերությունները և համապատասխան արժեքների ձևավորման խնդիրները եղել են բոլոր ժամանակների հետազոտողների ուշադրության կենտրոնում: Որոշ հետազոտողներ հակված են գեղագիտական դաստիարակությունը ներառել բարոյական դաստիարակության մեջ: Հայտնվում է նաև տեսակետ, ըստ որի գեղեցիկը ծառայում է որպես բարոյական դաստիարակվածության մակարդակ: Գեղագիտական դաստիարակության շնորհիվ հնարավոր է դառնում նաև անձի հոգևոր աշխարհի գեղագիտական, բարոյական և ինտելեկտուալ բաղադրիչների միջև լիակատար ներդաշնակության հաստատումը:

Գեղագիտական դաստիարակությունը բնության և հասարակության ճանաչողության միջոցներից մեկն է: Նրա նպատակը գեղագիտական մշակույթի ձևավորումն է: Այն

հաստատում է իրականության օբյեկտների հետ մարդու գեղագիտական հարաբերությունը, ձևավորում է նրա գեղագիտական զգացմունքները, ճաշակը, իդեալը, գեղեցիկը գնահատելու կարողությունը, ապահովում գեղագիտական ունակությունների, կարողությունների, հմտությունների և այլ որակների զարգացումը, ակտիվացնում, ընդլայնում և բավարարում է գեղագիտական պահանջմունքները, գեղեցիկը ընկալելու և ստեղծագործելու հնարավորությունները: Գեղագիտական դաստիարակությունը ներդաշնակ է դարձնում մարդուն, զարգացնում նրա ստեղծագործական ունակությունները: Գեղագիտական դաստիարակությունը իրականացնում է երկու հիմնական գործառույթ. այն ձևավորում է սովորողի արժեհամակարգի և արժեքային կողմնորոշման գեղագիտական բաղադրիչը և զարգացնում նրա գեղագիտական և ստեղծագործական ներուժը: Այն նաև մարդկային փոխհարաբերությունների կարգավորման միջոց է. մարդը միշտ ձգտում է դեպի գեղեցիկը: Այս տեսակետից դաստիարակության գեղագիտական և բարոյական բաղադրիչները մոտենում են իրար <https://tert.nla.am/archive/>.

*Բարոյական դաստիարակության* ուղղությամբ տարվող աշխատանքներում Սուխոմլինսկին գլխավորը համարում էր անձնավորության գաղափարական հիմքի՝ քաղաքացիական հայացքների, համոզմունքների, զգացմունքների, վարքի, արարքների, խոսքի ու գործի միասնության ձևավորումը: Բարոյական դաստիարակության մեջ, ըստ Սուխոմլինսկու՝ մեծ դեր են խաղում էթիկական գրույցները և էթիկական պատմությունները: Բայց միայն դրանք բավարար չեն, կարևոր է, որ խոսքը վերածվի գործի, աշխատանքի, արարքի, միայն այդ դեպքում է երեխան ձեռք բերում բարոյական փորձ և օրինակելի վարքագիծ: Վեհ գաղափարները դաստիարակչական տեսակետից նրանով են արժեքավոր, որ դրանց շնորհիվ ստեղծվում է կոլեկտիվի և անհատականի, հասարակականի ու անձնականի միասնություն: Այդ միասնությունը ընդհանրապես բարոյական դաստիարակության կարևոր պայմանն է: Բարոյական դաստիարակության վերջնարդյունքը Սուխոմլինսկին համարում էր անձնական բարոյական համոզմունքների ձևավորումը:

Ըստ նրա՝ դրանք բնութագրում են մարդու հոգևոր կերպարը, մտքի և արարքի, խոսքի և գործի միասնությունը վարքի մեջ: Բարոյական համոզմունքի մասին կարելի է խոսել այն ժամանակ, երբ ճշմարտության հասկացության իմացումը խոր կերպով արտացոլվում է մարդու անձնական հոգևոր աշխարհում, դառնում նրա անձնական հայացքը, արթնացնում խոր զգացմունք, միանում նրա կամքին և դրսևորվում նրա

գործունեության մեջ, վարքագծում, արարքներում՝ ուրիշ մարդկանց և իր իսկ նկատմամբ:


*Մտավոր դաստիարակությունն* ընդգրկում է գիտելիքների ձեռքբերում և գիտական աշխարհայացքի ձևավորում, իմացական և ստեղծագործական ընդունակությունների զարգացում, մտավոր աշխատանքի մշակույթի ձևավորում, հետաքրքրության և պահանջմունքի դաստիարակում մտավոր գործունեության, գիտական գիտելիքների անընդհատ հարստացման, դրանք կյանքում կիրառելու ընթացքում:

Այսպիսով «արժեհամակարգ» հասկացությունը մանկավարժական գիտության մեջ ըմբռնվում է բավական լայն շառավիղով: Առավել ընդունված է այն ընկալումը, որ արժեհամակարգը մարդու բարոյական, գեղագիտական, հոգևոր, իմացական, մշակութային և էթնիկական արժեքների համախումբն է, որն անհրաժեշտ է անձի ներդաշնակ, բազմակողմանի ձևավորման և զարգացման համար:

## 1.2 Անձի արժեհամակարգի ձևավորման աշխարհայացքային նախադրյալները

«Աշխարհայացք» հասկացություն մարդու հայացքների և համոզմունքների համակարգ է, որը ձևավորվում է անհատական փորձի ընթացքում: Իր հայացքների և համոզմունքների համակարգին համապատասխան՝ մարդը որոնում է կյանքի առաջադրած ցանկացած հարցի պատասխանը: Մարդու բարոյականությունը, նրա բնապահպանական կուլտուրան, գեղագիտական իդեալները և այլն, այլ բան չէ, քան մարդու անձնական վերաբերմունքի դրսևորում շրջապատող իրականության նկատմամբ, այսինքն նրա աշխարհայացքը:

Ինչպե՞ս է ձևավորվում աշխարհայացքը.





Այսօր մենք հայտնվել ենք պատմական իրողության այնպիսի խաչմերուկում, որտեղ միաձուլվում են մեր նախնիներից ժառանգած և սերունդներին շռայլորեն փոխանցված իրական արժեքները: Վերապրելով այս ամենը՝ փաստում ենք այն ճշմարտությունը, որ այսօր կրթությունը պետք է դառնա մեր նախնիների արյան գնով ձեռքբերված, սրբությամբ պահպանված և մեծ հույսով, հավատով մեզ վստահված ազգային, մշակութային, հավատքի արժեքները: Չէ որ դրանով է պայմանավորված մեր ազգի ինքնությունն ու մեր ապագան: Անձի արժեքների համակարգը հիմնված է այն հասարակության գաղափարախոսության վրա, որին նա պատկանում է: Տարբեր գաղափարախոսությունների դեպքում առաջնությունը կարող է տրվել տարբեր արժեքների: Անհատական և սեռատարիքային տարբերություններին զուգահեռ կան նաև արժեքային կողմնորոշումների ընդհանուր բնութագրեր, որոնք բնորոշ են օնտոգենեզի որոշակի փուլերին: Արժեքային կողմնորոշումների փոփոխությունների գործընթացը, դրանց որակական վերակառուցումն առավել կերպով տեղի է ունենում երեխայի՝ օնտոգենեզի մի փուլից մյուսին անցնելու շրջանում: Հենց այդ ժամանակ ի հայտ եկող նորագոյացությունների հիման վրա են առաջանում երեխայի արժեքային կողմնորոշումների փոփոխության միտումները, որոնք հակասության մեջ են մտնում գոյություն ունեցող շարժառիթների և պահանջումների համակարգի հետ՝ կանխորոշելով դրանց որակական վերակառուցումը [ Журавлева Н. А., Психология социальных изменений: ценностный подход. - М.: -зд-во «Институт психологии РАН», 2013. – 524 с.] .

Կրթության սոցիալական ինստիտուտի միջոցով իրականանում է արժեքային մշակույթի փոխանցումը սերնդեսերունդ: Վ. Աֆանասևը գրում է, որ ընտանիքում և դպրոցում անձի ձևավորման գործընթացը իրականանում է նախևառաջ «տեղեկատվական ուղիով . անձին ուրիշների կողմից ստացվող համապատասխան տեղեկություն փոխանցելու միջոցով»: Մշակույթի, հասարակության արժեքների յուրացումը իրականանում է հասանելի տեղեկատվական միջոցների, մարդկանց հետ շփման միջոցով [Афанасев В. Г., Социальная информация и управление обществом. М.: Политиздат, 1975, 408 с.] .

Անձի արժեքային համակարգի ձևավորման և շարժընթացի խնդիրը ընդունված է դիտարկել որպես հոգեկան զարգացման ընդհանուր օրինաչափություն: Այն անմիջականորեն կապված է տարիքային զարգացման առանձնահատկությունների հետ: Այդ գործընթացում հատկապես կարևորվում է ներքնայնացման գործընթացը՝ որպես սոցիալական խմբի արժեքներից անցում դեպի անձնային արժեքները:

Արժեքային համակարգի ձևավորման գործում անհրաժեշտ է հաշվի առնել ինչպես օբյեկտիվ, այնպես էլ սուբյեկտիվ մի շարք գործոններ, որոնց թվում են սոցիալական պայմանները, անձի սոցիալականացման բնութագրիչները, շարժառիթային ոլորտի առանձնահատկությունները և անձնային բնութագրիչները<sup>1</sup> /Ն. Զեյնալյան. « ԱՆՁԻ ԱՐԺԵՀԱՄԱԿԱՐԳԻ ԶԵԿԱԿՈՐՄԱՆ ԱՇԽԱՐՀԱՅԱՑՔԱՅԻՆ ՆԱԽԱԴՐՅԱԼՆԵՐԸ », հոդված, 2017 թ., 44-46 էջ/ .

## **Գլուխ 2 Սովորողների արժեհամակարգի ձևավորումը հանրակրթական ուսումնական հաստատություններում**

Այսօր աճող սերնդի դաստիարակության գործն ընթանում է տարբեր հանգամանքների ազդեցության ներքո՝ ժողովրդագրական, ազգային, մշակութային, ընտանեկան, կրթական, հասարակական, սոցիալական և այլն: Հաշվի առնելով բազմաթիվ այս և այլ հանգամանքներ՝ ժամանակակից մանկավարժության համար խնդիր է դառնում սովորողների ազգային գիտակցության ձևավորումը սեփական ժողովրդի պատմության ու մշակույթի հենքի վրա՝ չանտեսելով համամարդկային արժեքները: Կրելով վերոնշյալ և այլ հանգամանքների ներգործությունը, ընտրությամբ յուրացնելով դրանց ազդեցությունը՝ աշակերտը հաղորդակցվում է հասարակական մշակույթին և ձևավորվում իբրև ստեղծագործական անհատականություն: Ընդ որում՝ կրթական տարբեր աստիճաններում աշակերտն ունենում է աշխարհի նկատմամբ վերաբերմունքի տարբեր դրսևորումներ և հարաբերություններ: Վերաբերմունքն աշխարհի նկատմամբ և հարաբերությունը աշխարհի հետ, վերաբերմունք սեփական անձի նկատմամբ և հարաբերությունն ինքն իր հետ իրականացվում են հասարակական դաստիարակության համակարգի (ուսումնական հաստատություններ, հասարակական, պետական, խորհրդակցական մարմիններ, մանկապատանեկան կառույցներ, այլ) և տեղեկատվական տեխնոլոգիաների (հեռուստատեսություն, համացանցային լրատվական միջոցներ, մամուլ) միջոցով: Կինոն, թատրոնը, հեռուստատեսությունը, համացանցը ներգործում են աշակերտի անձի վրա ոչ միայն ինքնին՝ որպես տեղեկատվության աղբյուրներ, այլ նաև որոշակի տիպարների միջոցով, որոնք դրսևորվում են այդ «տեղեկատվական աղբյուրներից հոսող» հերոսների վարքագծում: Աշակերտները, իրենց տարիքային, սեռական և անհատական առանձնահատկություններին համապատասխան, հակված են նույնացնել իրենց այս կամ այն հերոսի հետ՝ յուրացնելով նրանց վարքի ձևերը, ապրելակերպը, հագուստը, կենցաղը, կյանքի ոճը և այլն

## 2.1 Դպրոցահասակների արժեհամակարգի ձևավորման ուղղիները և մեթոդները

Աշակերտի արժեքների ձևավորման վրա ազդող գործոններից են ավանդական միջոցները, այսինքն՝ աշակերտի մեջ աշխարհի նկատմամբ վերաբերմունքի և հասարակության հետ հարաբերության, սեփական անձի նկատմամբ վերաբերմունքի ձևավորումը ընտանիքի և սոցիալական միջավայրի միջոցով: Սակայն սովորողների կողմից այդ միջավայրին բնորոշ արժեքների, կանոնների, չափանիշների, հայացքների յուրացումը միշտ չէ, որ համապատասխանում է հասարակության կողմից ընդունված արժեքներին և խրախուսելի չափանիշներին: Ավանդական միջոցների յուրացումը լինում է չգիտակցված՝ վարքի ընդունված կաղապարներն ընդօրինակելու միջոցով: Այս առումով իրավացի է Մ. Մոնտենը. «...Մենք որքան ասես կարող ենք պնդել մերը, սակայն սովորույթն ու համընդհանուր կանոնները մեզ քարշ են տալիս իրենց ետևից» <sup>[Սուխոմլինսկի Վ. Ա., Սիրտս նվիրում եմ երեխաներին, Երևան, 1977թ., 317 էջ:]</sup>

Աշակերտի արժեքների ձևավորման վրա ազդող մյուս գործոնը տարիքայինն է, երբ սովորողի արժեքային կողմնորոշումները, արժեքային նախապատվությունները, վարքն ու բարոյահոգեբանական գծերը դրսևորվում են՝ ըստ տարիքային և կազմաբնախոսական առանձնահատկությունների: Արտաքուստ արժեհամակարգային դաստիարակության առանցքը դրսևորվում է աշակերտի վարքի ու շփման հարաբերությունների որոշակի մակարդակում՝ խոսքում, արտաքին տեսքում, ազատ ժամանակն անցկացնելու ձևում, ապրելակերպում և այլն: Տարիքային դաստիարակությանը բնորոշ են հակումը դեպի մշակույթի որոշակի շերտերը, կենցաղին բնորոշ արժեքների որոշակի աստիճանակարգությունը: Սակայն այստեղ ամենակարևորը մանկավարժների կողմից «աշակերտների մեջ կյանքի նկատմամբ դրական վերաբերմունքի, ապրած յուրաքանչյուր օրվա համար ուրախության զգացում ապրելու ունակության ձևավորումն է»:

Սովորողի անձի արժեքների ձևավորման վրա ազդող մյուս գործոնը միջանձնային հարաբերություններն են կամ իրենց համար հեղինակավոր, երևելի մարդկանց հետ շփումները (ծնողներ, ուսուցիչներ, մեծահասակներ, ընկերներ և այլն): Բնական է, որ այդ հեղինակավոր անձինք կարող են լինել նաև աշակերտի վրա ներգործող հասարակական այս կամ այն կազմակերպությունների անդամները, դպրոցի տնօրենը, դասուցիչը, ուսուցիչը և այլն: Աշակերտը նրանցից կարող է ստանալ արժեքների վերաբերյալ ինչպես դրական մոդելներ, այդպես նաև բացասական:

Ընդամին՝ բացասական մոդելները հակում ունեն ձևավորվելու ավելի արագ և անդամալի բացասական ազդեցություն կարող են ունենալ սովորողի անձի արժեքային ճիշտ դաստիարակության վրա: Հետևաբար արժեքների դաստիարակության այս բնագավառը պահանջում է մանկավարժական խստագույն վերահսկողություն և ըստ հարկի՝ նաև միջամտություն:

## **2.2 Արժեհամակարգի ձևավորումը ավագ դպրոցահասակների շրջանում հայոց պատմություն առարկայի դասավանդման ընթացքում**

Աշակերտի արժեքների ձևավորման խնդիրները բնականաբար լուծվում են ոչ միայն ընտանիքում, այլ նաև ուսումնական հաստատություններում՝ ուսումնադաստիարակչական գործընթացի միջոցով: Ուսուցման դաստիարակչական ներգործությունը օբյեկտիվ օրինաչափություն է, որովհետև աշակերտների համար ուսուցումը գործունեության հիմնական տեսակն է, դրա համար էլ այն կարևոր դեր է կատարում նրանց անձի ձևավորման գործում: Ուսուցման գործընթացի դաստիարակչական ներգործության հարուստ աղբյուր է բուն գործընթացի բովանդակությունը, որովհետև ընտրելով դաստիարակչական առումով հիմնական գաղափարները, օրենքները և հասկացությունները՝ ուսուցիչը հնարավորություն է ստանում առարկայական ծրագրերի բովանդակության յուրացման միջոցով աշակերտների մեջ սերմանել քաղաքական, իրավական, բարոյական, գեղագիտական, բնապահպանական և այլ գիտելիքներ ու վերաբերմունք: Կրթության բովանդակության հետ միասին ուսուցման մեթոդները ներգործում են աշակերտների ճանաչողական ունակությունների վրա՝ նրանց հնարավորություն տալով ստացած գիտելիքները կյանքում օգտագործելու ըստ նպատակի:

Իբրև հայոց պատմության ուսուցչուհի՝ սեփական փորձով կարող ենք հավաստել, որ աշակերտի արժեհամակարգը պետք է ձևավորել ներդաշնակության սկզբունքով, որում իր ուրույն տեղը պետք է ունենա հնարավորինս սերտ հաղորդակցումը ազգային մշակույթին և լեզվին՝ որպես մշակույթի մի տարատեսակի: Այս ամենը պետք է իրականացնել հայրենասիրական, գեղագիտական, բարոյական դաստիարակության ձևերը հիմք ընդունելով:

Ներկայացնում են ուսումնական նախագծի օրինակ, որը իրականացնել սովորողների մոտ կձևավորվի արժեհամակարգային մի շարք տարրեր:

Հայոց պատմությունն որպես հումանիտար գիտություն թույլ է տալիս անրադառնալ և խորանալ ազգային արժեհամակարգի ձևավորման և հայրենասիրական դաստիարակություն իրականացնելու գործում: Յուրաքանչյուր ժողովրդի պատմություն նրա անցած ուղին է, նրա կենսագրությունն ու հիշողությունը, դարերի ընթացքում նրա կերտած հոգևոր և նյութական արժեքների ամբողջությունը: Պատմության ուսումնասիրումը հիմք է յուրաքանչյուր քաղաքացու, հասարակության և պետության ապագա գործունեության: Հայոց պատմության իմացության միջոցով է ձևավորվում ազգային ինքնագիտակցությունն ու մտածողությունը, պատասխանատու և սեփական տեսակետն ու դիրքորոշումը ունեցող, կշռադատված որոշումներ կայացնող, ազգային արժեհամակարգը կրող անձ ու քաղաքացի:

*<<Յուրաքանչյուր հայի բնույթն է՝ սովորել, ուսումնասիրել, հարցնել, ենթադրել,*

*հնարել, բացահայտել, ստուգել, վերականգնել, պահպանել, ստեղծել և նվիրել>>:*

**Վիլյամ Սարոյան**

### **Ուսումնական նախագիծ**

**Թեմա՝** Հայաստանի մշակութային արժեքները դրանց ճանաչումը և պահպանությունը

**Համակագող՝** Արմենուհի Խաչյան

**Իրականացնող՝** 11-րդ պատմագիտական դասարան

**Նախագծի խնդիրները՝**

- Խորացնել գիտելիքները Հայոց պատմություն առարկայից
- Ձևավորել հետազոտական հմտություններ և կարողություններ
- Իրազեկել հասարակությանը հայրենիքի մշակութային արժեքների մասին, ընդգծել դրանց կարևորությունը երկրի զարգացման գործընթացում:

**Նախագծի նպատակը.**

- Կրթական՝ ընդլայնել սովորողների պատմագիտական գիտելիքները: Սովորեցնել գնահատել հայրենիքի մշակութային արժեքները և պահպանել դրանք

- Ջարգագնող` աշակերտների ստեղծագործական կարողությունների զարգացման համար միջավայրի ստեղծում:
- Ղաստիարակչական` սերմանել սեր դեպի հայրենիք, բնությունը: Ձևավորել հայրենասիրական, գեղագիտական, բարոյական, քաղաքացիա-իրավական և մտավոր դաստիարակության տարրեր:

## **Նախագծի փուլերը`**

### **Ուսումնասիրում և հետազոտություն**

#### **Հետազոտության օբյեկտներ`**

#### **Գետահովիտի պատմամշակութային արժեքներ**

Գեղհովիտ գյուղը փռված է Մարտունի գետի 2 ակին` Քռա և Ղեմեր բարձրավանդակների միջև: Գեղարքունիքի մարզի Մարտունի տարածաշրջանի` ծովի մակերևույթից մոտ 2100 մ բարձրության վրա գտնվող Գեղհովիտն ունի հազարամյակների պատմություն: Գյուղի մեջ պահպանված են բազմաթիվ հուշարձաններ, ամրոցներ, եկեղեցիներ, հնավայրեր, ժայռապատկերներ և դամբարանադաշտեր:

#### **Գեղարդի վանք և Ազատ գետի վերին հովիտ**

*Տեղակայվածությունը: Կոտայքի մարզ*

*Հիմնադրումը: 4-րդ դար*

Գեղարդի վանքը մի հոյակերտ վայր է, որտեղ հայ նշանավոր ճարտարապետ Գալձազը ժայռը փորելով կերտել է երկու եկեղեցի: Այն գտնվում է Ազատ գետին հարակից ժայռերից մեկի լանջին: Համաձայն հայ մատենագրության մեջ պահպանված ավանդույթի` վանքի հիմնադրումը վերագրվում է Գրիգոր Լուսավորչին (4-րդ դար): Ըստ եկեղեցու ավանդույթի` այստեղ տարիներ շարունակ պահվել է այն նիզակը` գեղարդը, որով խոցվել է Քրիստոսը: Ահա թե ինչու վանքն ավելի ուշ ստացել է Գեղարդավանք անվանումը:

#### **Հաղպատի և Սանահինի վանքեր**

*Տեղակայվածությունը: Լոռու մարզ*

*Հիմնադրումը: 10-րդ դար*

**Հաղպատի վանքը** համարվում է Հայաստանի ամենամեծ և ամենակարևոր վանքերից մեկը: Բարձրադիր այս վանքը մի կողմից շրջապատված է Սուրբ Լույս և Տերունական լեռնագագաթներով, մյուս կողմից՝ Լոռվա բերդով և Սաղիձորի կիրճով՝ որով հոսում են Սաղիկ և Կայան գետերը:

976 թվականին հիմնադրված վանքն իրենից ներկայացնում է ճարտարապետական կառուցվածքների մի համալիր, որը բաղկացած է կրոնական և աշխարհիկ կառույցներից՝ շրջապատված աշտարակներով և ցանկապատներով:

**Սանահինի վանական համալիրը** տեղակայված է Դեբեդ գետի ձախ ափին՝ Սանահին գյուղում: Այն հիմնադրվել է Աշոտ 3-րդ Բագրատունու կողմից 966 թվականին: 10-րդ դարի վերջից այն դարձավ Կյուրիկյանների տոհմի վարչական կենտրոն և գերեզմանատուն: 10-11-րդ դարերում վանքը հանդիսանում էր նաև մշակութային կենտրոն. կառուցվել էին համալսարան և հարուստ գրադարան: 12-րդ դարավերջին համալիրը գտնվում էր Ջաքարյանների տոհմի ենթակայության տակ:

**Էջմիածնի Մայր տաճար և եկեղեցիներ (սբ. Հռիփսիմե, սբ. Գայանե, սբ. Շողակաթ) և Զ վարթնոցի տաճարի հնավայր**

*Տեղակայվածությունը: Արմավիրի մարզ, ք. Վաղարշապատ*

*Հիմնադրումը: 4-րդ դար*

Աշխարհի հնագույն տաճարներից մեկը՝ Էջմիածնի Մայր տաճարը, կառուցվել է այն վայրում, ուր Հայոց առաջին պատրիարքի՝ ամենայն հայոց կաթողիկոս Գրիգոր Լուսավորչի երազում իջել է Քրիստոսը՝ Աստծո միածին որդին: Այն նաև համարվում է Հին Հայաստանում կառուցված առաջին տաճարը: Եկեղեցին կառուցվել է 301-303 թվականներին: ՅՈՒՆԵՍԿՕ-ի Համաշխարհային ժառանգության ցանկում Մայր տաճարի հետ միասին ընդգրկված են նաև քաղաքում գտնվող Սուրբ Հռիփսիմե, Սուրբ Գայանե և Սուրբ Շողակաթ եկեղեցիները:

**Զվարթնոցի տաճար**

*Տեղակայվածությունը: Արմավիրի մարզ*

*Հիմնադրումը: 7-րդ դար*

Զվարթնոցի տաճարը համարվում է եզակի ճարտարապետական կառույց և ներառված է ՅՈՒՆԵՍԿՕ-ի Համաշխարհային ժառանգության ցանկում: Այստեղ գտնվել է հեթանոսական աստվածներից Տիրի տաճարը: Հետագայում 7-րդ

դարում, կառուցվել է Ջվարթնոցի կամ Սուրբ Գրիգորի տաճարը: Ներկայումս պահպանված են հատակը, մասամբ պատերի ստորին հատվածները, հիմքը, արևի ժամացույցը, որմնանկարների և խճանկարների մնացորդները <https://yerevancard.com/am/news/111/> :

### **Առաջադրանքներ.**

- Ուսումնասիրել տվյալ պատմամշակութային օբյեկտների պատմությունը, ընդգծել դրանց կարևորությունը
- Այցելել տվյալ մշակութային վայրեր, զրույցներ անցկացնել տեղաբնակների հետ, արդյունքում հավաքագրած տեղեկատվության հիման վրա գրել հոդվածներ :
- Ստեղծել քարոզչական հոլովակ «Հայաստանի պատմամշակութային արժեքները» խորհագրով և այն տարածել սոցիալական կայքերում, բարձրացնելով իրազեկվածության աստիճանը հատկապես դպրոցահասակների շրջանում, խոսել հայրենիքի մասին որպես բարձրագույն արժեք:

### **Արդյունքում.**

- Նախագծի ընթացքում սովորողները իրենք են լինելու սովորեցնողի, հետազոտողի , նոր փաստեր արձանագրողի դերում, որի արդյունքում ձևավորվում է նրանց ինքնուրունությունը, զարգանում է հետազոտական կարողությունները, մտավոր ունակությունները, արագ կողմնորոշվելու կարողությունները և այլն:
- Աշխատանքները իրականացնելիս սովորողների մոտ ձևավորվում է հայրենասիրական դաստիարակության տարրեր, բարոյական և հոգևոր արժեքներ, սովորողները յուրաքանչյուր մշակութային օբյեկտին ցուցաբերում են հուզաարժեքային մոտեցում, որի շնորհիվ ձևավորվում է նրանց ազգային արժեհամակազրը և ընգծվում ազգային դիմագիծը:
- Զարգանում է սովորողների մեղիագրագիտությունը , սոցիալական կայքերում հոդվածներ գրելու, հոլովակներ տեղադրելու շնորհիվ, մեղիատեխնոլոգիանների կիրառմամբ:



## Եզրակացություն

- ✓ Ուսումնասիրելով արժեհամակարգի ձևավորման ուղղիները և դրանց կապը դաստիարակության ձևերի միջև պարզ դարձավ, որ արժեքային համակարգի ձևավորումն ընթանում է դաստիարակության և կրթության ընթացքում սոցիալական փորձի յուրացման միջոցով: Անձնային արժեքները ձևավորվում են սոցիալականացման ամբողջ ընթացքում:
- ✓ Ուսումնական նախագծի արդյունքում սովորողների մոտ ձևավորվում է հայրենասիրական դաստիարակության տարրեր, բարոյական և հոգևոր արժեքներ, սովորողները յուրաքանչյուր մշակութային օբյեկտին ցուցաբերում են հուզաարժեքային մոտեցում, որի շնորհիվ ձևավորվում է նրանց ազգային արժեհամակարգը և ընգծվում ազգային դիմագիծը: Ձարգանում է սովորողների մեդիագրագիտությունը , սոցիալական կայքերում հոդվածներ գրելու, հոլովակներ տեղադրելու շնորհիվ, մեդիատեխնոլոգիանների կիրառմամբ:
- ✓ Այսպիսով կրթության սոցիալական ինստիտուտի միջոցով է իրականանում արժեքային մշակույթի փոխանցումը սերնդեսերունդ: Ընտանիքում և դպրոցում անձի ձևավորման գործընթացը իրականանում է նախևառաջ «տեղեկատվական ուղիով . անձին ուրիշների կողմից ստացվող համապատասխան տեղեկություն փոխանցելու միջոցով»: Մշակույթի, հասարակության արժեքների յուրացումը իրականանում է հասանելի տեղեկատվական միջոցների, մարդկանց հետ շփման միջոցով:

## Գրականության ցանկ

1. Թանգամյան Տ. «ԿԵՆՍԱԲԱՆՈՒԹՅԱՆ ԴԵՐԸ ԱՇԱԿԵՐՏՆԵՐԻ ԵՎ ՈՒՍՈՒՑԻՉՆԵՐԻ ԱՇԽԱՐՀԱՅԱՑՔԻ ՁԵՎԱՎՈՐՄԱՆ ԳՈՐԾՈՒՄ » ԱՌԱՐԿԱՅԻ ՈՒՍՈՒՄՆԱՄԵԹՈՂԱԿԱՆ ՓԱԹԵԹ, 2017 թ.:
2. Ն. Զեյնալյան. « ԱՆՁԻ ԱՐԺԵՀԱՄԱԿԱՐԳԻ ՁԵՎԱՎՈՐՄԱՆ ԱՇԽԱՐՀԱՅԱՑՔԱՅԻՆ ՆԱԽԱԴՐՅԱԼՆԵՐԸ », հոդված, 2017 թ., 44-46 էջ:
3. Ռուչկա՝ 1976, Անանև՝ 1996, Լեոնտև՝ 1998, Սուրինա՝ 1996:
4. Սուխոմլինսկի Վ. Ա., Սիրտս նվիրում եմ երեխաներին, Երևան, 1977թ., 317 էջ
5. Андреева Г. М., Психология социального познания. М.: АспектПресс, 2000, 288 с.
6. Афанасев В. Г., Социальная информация и управление обществом. М.: Политиздат, 1975, 408 с.
7. Журавлева Н. А., Психология социальных изменений: ценностный подход. - М.: –зд-во «Институт психологии РАН», 2013. – 524 с.
8. Леонтев Д. А., Развитие личностных ценностей в общественном контексте, Вестник Московского Университета. Сер. 14. Психология. 1997. №1. сс. 20-27
9. <https://yerevancard.com/am/news/111>
10. <https://tert.nla.am/archive/>
11. <https://westernarmeniatv.com/>